



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**S. Avrelii Avgvstini Hippoensis Episcopi Et S. R. E.  
Doctoris Vita**

**Lancilottus, Corneille**

**Antverpiæ, 1616**

Cap. XIII. D. Augustinus varia in hæreticos molitur.

**urn:nbn:de:hbz:466:1-42857**

## CAPUT XII.

*D. Augustinus acerrimis scriptis Pelagium  
insectatur.*

**C**v m eodem anno Pelagius in Ægypto diuinæ gratiæ inimicus doctrinæ suæ virus quaquauersum diffunderet, confessim in eum D. Hieronymus insurrexit: sed Augustinus nequitia sectarij nondum perspecta, quod eam sanctitatis ementia specie, & religiosâ veste celaret; mitius cum eo primùm egit, eum tamen exutum personâ postquam inspexit, tam crebris validisque argumentis confecit, ut alium neminem annos decem infensiorem aduersarium senserit. In eum scripsit lib. tres, de Peccat. merit. deque Baptismo parvulorum; Pelagi discipulorumque eius suppresso nomine: ratus id ad commodiorem salutis eorum rationem pertinere.

Lib. 2. Re-  
tract. c. 33.

## CAPUT XIII.

*D. Augustinus varia in hereticos molitur.*

**S**IMILI pietatis ardore perfecit apud Marcellinum, quem suprà nominauiimus, vt actiones in Donatistas habitæ, cōtra eos qui conscientia scelerum conuicti fuerant atque confessi, publicarentur; vt vel sic affecti pudore ad saniorem mentem redirent.

rent. Adhæc nequissimorum quorumdam  
sectorum peruicaciâ (cum hæreticis  
enim, primâ velut tinturâ sic errore im-  
butis, benignius agendum putabat, proque  
eis aliquamdiu intercessit) qui postquam in  
conuentu palam caussâ cecidissent, nihilo-  
minus obfirmatis animis in errore persta-  
bant, commotus Augustinus effecit, ut pœ-  
nas ab Imperatore statutas omnino pende-  
rent; ac in primis ut facultates Ecclesiasticas

*Tract. 6. in Joan. sub finem.* per vim ablatas restituerent. Veniant,

*ad Catholicam, & nobiscum habeant non solum terram, sed etiam illum qui fecit celum & terram.*

Inter hæc Fortunio cui-

*Epist. 163. dam, Donatistarum Episcopo, non procul à Cirthâ (quæ Numidiæ fuit vrbs munitissima) vehemēti disputatione verum Eccle-  
siæ sensum persuadere est conatus: & Volu-  
fiano inter Romanos valde nobili Episto-  
lam scripsit, in quâ dubitationes soluit quæ  
eum ne Christianus fieret remorabantur:  
quem non multo pòst ad Christi sacra per-  
traxit, afferentem (mirum! sed Volusiani  
dandum hoc affectui) *Dei legi deesse, quid-  
quid Augustinum contigerit ignorare;* quasi  
dicat, Augustinum intellectu suo affec-  
tum, quidquid in Dei lege includitur.*

*Epist. 2.*

C A